

DODATAK

GRAČANIČKI GLASNIK
časopis za kulturnu historiju

Broj 60
Godina XXX
Novembar, 2025.
[str. 319-321]

© Monos 2025

DODATAK

Glosar novih autora

Senada Letić, rođena u Doboju 1973.godine, gdje je završila osnovnu školu, a potom i Gimnaziju (prosvjetni i kulturološko-prevodilački smjer), 1992. Nakon prisilnog napuštanja rodnog mjesta, usljed presije srpskih vlasti i ratnih prilika, nastavila je prognaničke dane na slobodnim dijelovima nekadašnje općine Doboj (danas općina Doboj Istok). Radila je u ratnim uslovima u PRESS Centru Doboj Istok, kao radio novinar-voditelj-spiker, potom na RTV TPK-a u međuvremenu zasnovala je porodicu u Gračanici 2001. godine zaposlila se kao novinarka na Radio Gračanici. Od 2011. godine radi kao bibliotekarka u Narodnoj biblioteci "Dr Mustafa Kamarić", gdje od 2022. obnaša funkciju rukovodioca Biblioteke. Uz rad je stekla odgovarajuća stručna zvanja iz oblasti bibliotekarstva, a 2019. i zvanje diplomiranog pedagoga na Učiteljskom fakultetu Internacionalnog univerziteta Brčko. U posljednjih desetak godina posvećena je razvoju biblioteke, kao najstarije kulturne ustanove u Gradu. Posebnu pažnju posvećuje edukativnoj funkciji biblioteke i radu za mladim čitaocima. Organizator je raznih seminara, moderator mnogih promocija novih knjiga, nosilac je nekoliko značajnih projekata, kao što je obilježavanje stote godišnjice bibliotekarstva u Gračanici tokom prošle godine.

Alija Mevkić, magistar politologije, je rođen 2000. godine u Tuzli. Završio je Osnovnu školu Dubrave 2015. godine kao učenik generacije, a potom Behrambegovu medresu u Tuzli. Prvi ciklus studija završio je na Fakultetu islamskih nauka Univerziteta u Sarajevu 2023. godine na smjeru Islamska teologija, a zbog posebnih uspjeha prilikom završetka studija od strane Senata Univerziteta u Sarajevu je odlikovan srebrenom značkom. Drugi ciklus studija završio je 2024. godine na studijskom programu

Politologija Filozofskog fakulteta Univerziteta u Tuzli, sa prosječnom ocjenom 10, kao prvi magistar politologije na Univerzitetu u Tuzli. Zaposlen u Osnovnoj školi "Brčanska Malta" Tuzla, a angažiran i kao vanjski saradnik za Mrežu mladih pri Muftijstvu tuzlanskom Islamske zajednice u Bosni i Hercegovini. Oženjen je i otac jednog djeteta. Govori engleski i služi se arapskim jezikom. Aktivan je učesnik na nekoliko okruglih stolovima, konferencija i naučnim skupova kroz izlaganja o religijskim i politološkim temama. Boravio je na stručnom usavršavanju u Kaliforniji, SAD. Njegovi istraživački interesi u oblasti politologije obuhvataju savremene političke sisteme, religiju u međunarodnoj politici, kao i lokalnu i regionalnu politiku.

Emina Omić rođena je 11. 2007. godine u Tešnju, a živi u Šijama. Učenica je Gimnazije "Musa Ćazim Ćatić" u Tešnju. Od najranijih školskih dana pokazuje izuzetan interes i dar za likovnu umjetnost. Već dugi niz godina posvećeno se bavi crtanjem i slikarstvom, a uz to njeguje i ljubav prema poeziji, kroz koju na osoben način spaja osjećajnost i vizuelno izražavanje. Njeni nastavnici i profesori prepoznali su je kao izuzetno talentovanu i senzibilnu mladu umjetnicu s razvijenim osjećajem za kompoziciju, boju i izražajnost likovne forme. Učestvovala je na likovnim kolonijama i radionicama

u organizaciji JU Muzej Tešanj, gdje je imala priliku dodatno razvijati svoje umijeće i razmjenjivati iskustva s drugim mladim stvarateljima. Planira nastaviti školovanje na Akademiji likovnih umjetnosti u Sarajevu, s namjerom da se profesionalno posveti slikarstvu i nastavi oblikovati svoj umjetnički izraz.

Emina Puškar, rođena je u Gračanici 2007. godine, učenica Mješovite srednje škole, smjer Mašinski tehničar za kompjutersko projektovanje. Odrasla je i živi u Sokolu kod Gračanice, gdje je završila osnovnu školu sa priznanjem učenika generacije. Od djetinjstva pokazuje sklonost prema raznim granama umjetnosti, od kojih su neke fotografija, pisanje i crtanje. Osvojila je mnoge nagrade i priznanja na konkursima iz fotografije na raznim nivoima: od gradskog i kantonalnog do međunarodnog. Od kako zna za sebe, voli knjigu i čitanje raznih žanrova: od epske fantastike do poezije, ljubitelj je teatra, filma i muzike. Ima pripremljenu zbirku poezije, svoje pjesme prvi puta objavljuje u ovom broju "Gračaničkog glasnika".

Amer Tikveša rođen je 1979. godine u Konjicu. Živi i radi u Sarajevu. Diplomirao je na Odsjeku za književnosti naroda Bosne i Hercegovine Filozofskog fakulteta Univerziteta u Sarajevu, a potom završio Visoku školu novinarstva "Mediaplan". Magistrirao je na rodnim studijama Centra za interdisciplinarne

postdiplomske studije Univerziteta u Sarajevu. Tokom karijere radio je kao profesor književnosti i jezika u osnovnim i srednjim školama, a potom i kao novinar. Kao novinar je osvojio i Unicefov godišnju nagradu za novinarski doprinos informisanju, zaštiti i promociji prava djeteta

u BiH. Trenutno se bavi odnosima s javnošću.

Kao pisac, Amer Tikveša je autor je dvije zbirke priča, dvije knjige za djecu te knjige Čovjek bez kafića, biografije kantautora Ibrice Jusića. Urednik je i koautor brojnih knjiga iz sfere publicistike, obrazovanja i publicistike.

